

# بهاکين 1

## توهن بري جاديکن مائسي

فلاجران	نام فلاجران	موک
	هوراين	
1	توهن اد	1
2	توهنله هق بري جاديکن دنيا	8
3	چارا حال توهن بري جاديکن دنيا دغن مخلوقن	15
	.....	
4	توهن بري جاديکن مائسي	23
5	مائسي دکبون عدان	33
	.....	
6	مائسي فيليه نق توروک فيکران ديري دي سنديري	43
7	مائسي لڭکر فرينته توهن، افاکه کدافتن؟	53
	.....	
8	مائسي هق بردوسا تريما بالسن هق سوغ فاتوت	63
9	کتورونن توؤ ادم دوق دالم حکوم ماتي جوک	72
10	توهن چادغ ده جالن سلامت انتوق مائسي	82
	.....	
*	سورت اولاغن بهاکين 1	(10-1)
*	سورت فريقسائن بهاکين 1	(10-1)
*	سورت جوافن بهاکين 1	(14-1)

## هوراين

سموا اورغ هق توروت عيسى المسيح مفاكو كات:  
اداله توهن يغ اسا. دي ساج توهن هق سجاتي. لائين فد  
ايت تاءاد ده. سموا فگغن دغن فغاگران اورغ ايت  
برگنتوغ سمات ۲ دغن کتاب ۲ سوچي هق توهن تورون ده.

کتاب ۲ ايت بوليه فگگيل کات «فرکتان توهن»، سبب،  
ملالوئي کو کتاب ۲ ايت، توهن سنديري بري تاهو خبران  
دغن فيگران دي کا هاتي اورغ ۲ هق جوغ تريما خبران  
ايت. کتاب ۲ ايت فون بوليه بنديغ دغن فليتا هق بري  
اورغ باچ بوليه نمفق جالن هق دي کنا کي هاري ۲.

توهن بري کتاب دي کا مائسي سبب اف ؟

- \* سبب توهن برکهندق نق بري مائسي کيت کنل دغن دي.
- \* سبب توهن نق بري مائسي تاهو کات توهن کاسيه کا  
کيت دغن کاسيه هق تافوتوس بوات سلام ۲.
- \* سبب توهن نق بري مائسي کيت تاهو چارا حال فريگت  
مليا هق دي چادغ ده انتوق مائسي.
- \* سبب توهن نق بري مائسي کيت تاهو جالن سلامت هق  
دي چادغ ده انتوق نق بري کيت بوليه سمفي کا  
فريگت هق مليا ايت.

دفلاجران ۲ اين کيت نق مولائي مفاجي کتاب توهن،  
انتوق نق بوليه تاهو هق توهن نق رويت کا هاتي کيت  
سنديري. موده ۲هن توهن نق تورون رحمة بايق اتس سموا  
اورغ هق مفاجي فلاجران ۲ اين.

## فلاجران 1

### توهن اد

بوليه کا دق، مائسي کيت تاهو هق سوغکوه چارا حال توهن؟  
سوغکوه فون، اد بايق فرکارا چارا حال توهن هق مائسي تاليه  
تاهو، تاليه فهم، سبب توهن لبه سوغکوه ۲ فد فيکران مائسي،  
دان فيکران مائسي کيت تائسمفي کا فرکارا ۲ ايت. تافي، اد جوک  
بايق فرکارا هق مائسي بوليه تاهو چارا حال توهن، سبب توهن  
سنديريله بري مائسي بوليه تاهو کو بايق جالن.

### توجوان فلاجران اين

1. کيت نق بوليه نمفق کات، توهن بري تاهو چارا حال  
ديري دي کو جالن سموا فرکارا هق دي بري جاديکن.
2. کيت نق بوليه تاهو توجه فرکارا چارا حال توهن.

\*\*\*\*\*

### توهن اد

\*\*\*\*\*

\* سموا اورغ هق توروٲ عيسى المسيح مفاکو کات:

اداله توهن ي؁ اسا،

دي ساج توهن هق سجاتي،

لائن فد ايت تاء ده.

\*\*\*\*\*

بالس مان کیت بولیه تاهو کات توهن اد؟  
توهن سندیري بري تاهو  
کوۋ جالن سموا فرکارا هق دي بري جاديکن

\*\*\*\*\*

1. بچاله انجيل، سورت روم باب 1: 19-20 دباوه اين.

20-19 توهن سوده بري تاهو کا مائسي حال دي  
دغن تروس ترغ، تافي مائسي تائسير تريما. <sup>20</sup> جق  
دماس توهن جاديکن دنيا ماري، مائسي بوليه فرهاتي  
کليه صيفه ۲ توهن، دي هق مات کيت تائليه نمفق.  
درفد سموا فرکارا هق دي بري جادي دالم دنيا ايت،  
کيت بوليه فرهاتي کليه کات ديا له توهن فس کواس  
دي تاءاد سود.  
نق کات تاءاهو حال دي، تائليه.

\*\*\*\*\*

مائسي بوليه تاهو حال صيفه ۲ توهن  
کوۋ جالن سموا فرکارا هق توهن بري جاديکن

\*\*\*\*\*

2. بچاله سمولا روم 1: 19، 20 داتس ايت دولو، باروله بوليه  
تمبه فرکتان هق کنا دتمفت کوسوغ دباوه اين.

1. توهن... سنديريله هق بري تاهو کا مائسي چارا حال  
صيفه ۲ توهن.

2. مائسي سموا بوليه تاهو کات توهن اد درفد سموا فرکا.....  
 هق توهن بري جادیکن... دالم دنيا.

3. افبيل کيت تيغوق لاغيث دان بومي، سکالي دغن سموا  
 مخلوق ۲ دي، کيت تاهو کات مستيله کنا اد تو...  
 مهاکو... هق بوليه بري جادیکن، دان کواس دي ايت  
 تاءاد سوچ....

4. توهنله هق بري جادیکن سموا فرکارا، تاءکيرا هق مات کيت  
 بوليه نمفق اتوا تاءليه نمفق. ديري توهن سنديري فون،  
 مات کيت تاءلپه نه...  
 5. کواس توهن تاءاد سود. سبب توله کيت کنا فهم کات توهن  
 سنديري فون تاءاد سوچ.... جوک.

3. ايات ۲ کتاب دموک 2 ايت، بري تاهو چارا حال توهن  
 دغن صيفه ۲ دي. بوبوه تندا ☒ دکفلا ايات ۲ هق کنا  
 دباوه اين. کالو تاءکنا، بوبوه تندا ☐.

1. ☒ توهنله هق بري جادیکن دنيا.

2. ☒ کيت تاءليه تاهو دغن تنتو کات توهن اد.

3. ☒ توهن يغ مهاکواس.

4. ☐ توهن تاءککل.

5. ☐ سموا مخلوق بوليه نمفق توهن.

6. ☒ توهن بوليه نمفق سموا مخلوق. دي توهن يغ مليهت.

7. ☐ توهن تاءسير بري مائسي کيت تاهو اف سکارا چارا  
 حال دي.

\*\*\*\*\*

## توهن برکهندق نق بري مائسي کنل دغن دي

\*\*\*\*\*

4. تمبهله فرکتان هق کنا دتمفت کوسوځ.

\* چوب فيکيرله چارا حال توهن!

1. سبب توهن سنديريله هق بري تاهو کا مائسي حال ديري دي، سابيت توله کيت کنا فهم جوکد کات توهن برکهندق... نق بري مائسي کنل دغن دي.

\* چوب فيکيرله چارا حال مائسي!

2. توهن سوده بري تاهو کا مائسي حال دي دغن تروس ترځ، تافي مائسي تأسير..... تريما. (روم باب 1: 19 دموک 2).  
3. توهن برکهندق نق بري مائسي کمل..... دغن دي، تافي اد بايق اورځ هق تآکنل دغن توهن لاکي.

\* چوب فيکيرله چارا حال ديري کيت سنديري!

4. توهن بري مائسي کيت کنف ۲ اورځ بوليه فيليه، نق تريما کا دق فرکارا ۲ هق توهن بري تاهو چارا حال ديري دي. کيت بوليه فيليه کات: نق تاهو، اتوا: تأسير تاهو. کيت بوليه کات: تأسير... تاهو، تافي نق کات: تآتاهو، تأسير... (روم 1: 20 دموک 2)

\* مات مائسي تآليه نمفق توهن. سبب توله اد ستغه اورځ هق کات توهن تآاد، دان اد جوکد هق کات دي تآتاهو توهن اد کا دق.

\* تافي هق سوغکوه، افبيل کيت کليه دنيا اين، سکالي دغن  
سموا مخلوق ۲ هق دوق اد، سموا مائسي بوليه تاهو کات  
توهن فون اد. دان لاکي، کيت بوليه تاهو کات، توهن  
هق بري جاديکن سموا ايت، دي توهن يځ مهاکواس لاکي  
ککل. کيت نق کات تاء تاهو حال دي تائيه !

\* کيت فون جوغ مځاکو کات:

اداله توهن يځ اسا،  
دي ساج توهن هق سجاتي،  
لئين فد ايت تاء ده.

\*\*\*\*\*

توجه فرکارا چارا حال توهن يځ اسا

\*\*\*\*\*

5. فرهاتيله 7 فرکارا هق کيت بوليه تاهو ده دفلاجران اين.

1. توهن اد.
2. توهن ککل، تاء اخير.
3. توهنله هق بري جاديکن دنيا.
4. توهن يځ مهاکواس.
5. توهن يځ مليهت. دي بوليه نمفق سموا مخلوق.
6. تافي، سموا مخلوق تائيه نمفق توهن.
7. توهن برکهندق نق بري مائسي کنل دغن دي.

6. کيت تاهو ده توجوه فرکارا ایت، تافي مولیق کیت فریقسا  
تاڻ هاتي ډيري کیت سندیري.

1. اد کا دق، تکه ۲ کیت تائیغت کا توهن، لوف کا دي، اتوا  
بوات سروف تاءفرچاي کات توهن اد؟ کالو بکیتو، کیت  
نق بائیقي بالس مان؟

2. اد کا دق، تکه ۲ کیت لوف کات توهن هق یغ مهاکواس،  
فس تاءاکوت کا دي، تاسیر دوق باوه فرینته دي، اتوا فون  
تاءسیر برکنتوځ دغن کواس دي ایت. اد کا دق، تکه ۲ کیت  
سوک هارف کا کواس ډيري سندیري، دوق برکنتوځ دغن  
کواس جاهت سروف هنتو ۲، اتوا تومفغ دغن اورغ کدیبر  
هق نام دي تیمبول؟

3. کیت کنل دغن توهن کا دق؟ کالو کیت نق کنل دغن  
توهن بري کهور رافت لاکي، مولیق کیت هوبوځ مغاجي  
لاکي دفلاجران دافن. هق مستحق سکالي، کیت جاغن  
لوف کات، کو جالن کتاب ۲ سوچي، توهن سندیري بري  
تاهو کهندق دي کا هاتي کیت، بري کیت بولیه کنل دغن  
دي کهور ۲ رافت لاکي.



\*\*\*\*\*

## فرکارا ۲۱ هق بولیه تاهو دفلاجران این

\*\*\*\*\*

7. چوب رویتله سندیری دولو اف هق بولیه تاهو ده  
دفلاجران این، باروله بندیغ دغن فرکارا ۲۱ هق رویت  
سچارا ریغکس دباوه این.

1. کیت بولیه تاهو هق سوغکوه چارا حال توهن، سبب توهن  
سندیری رویت بری تاهو.

2. توهن بری تاهو چارا حال دیری دی کو جالن سموا فرکارا  
هق دی بری جادیکن.

3. سوغکوه فون اد جوک مائسی هق تأسیر کنل دغن توهن،  
تافی اورغ ۲ ایت نق کات: «تأ تاهو چارا حال توهن»،  
تألیه.

4. توجوه فرکارا هق بولیه تاهو دفلاجران این چارا حال توهن  
یغ اسا:

1. توهن اد.

2. توهن ککل، تأاد اخیر.

3. توهنله هق بری جادیکن دنیا.

4. توهن یغ مهاکواس.

5. توهن یغ ملیهت. دی بولیه نمفق سموا مخلوق.

6. تافی، سموا مخلوق تألیه نمفق توهن.

7. توهن برکهندق نق بری مائسی کنل دغن دی.

8. کاجغ بری ایغت فرکارا ۲۱ داتس سائی سهیغک لکت دهاتی.

9. چوب رویتله اف هق توهن برکرق هاتی کیت، سوروه  
بوات، اتوا نق بری ایغت.

## فلاجران 2

### توهنله هق بري جاديکن دنيا

مائسي کيت بوليه تاهو فرکارا هق سوغکوه چارا حال توهن، سبب توهن سنديري بري مائسي تاهو کوۋ بايق جالن. دفلاجران يځ فرتام کيت مڃاجي ده کات، توهن بري تاهو چارا حال ديرې دي کوۋ جالن سموا فرکارا هق دي بري جاديکن. دان لاکي، کيت بوليه تاهو توجه فرکارا چارا حال توهن يځ اسا، يائيت:

1. توهن اد.
2. توهن تاءاد اخير، دي ککل.
3. توهنله هق بري جاديکن دنيا.
4. توهن يځ مهاکواس.
5. توهن يځ مليهت. دي بوليه نمفق سموا مخلوق.
6. تافي، سموا مخلوق تائليه نمفق توهن.
7. توهن برکهندق نق بري مائسي کنل دغن دي.

### توجوان فلاجران اين

1. کيت نق فرهاتي کات، توهن بري تاهو چارا حال ديرې دي کوۋ جالن کتاب ۲ سوچي.
2. کيت نق مڃاجي هق توهن بري تاهو کوۋ جالن کتاب، کات ديال هق بري جاديکن دنيا.
3. کيت نق بوليه تاهو ليم فرکارا لاکي چارا حال توهن.

\*\*\*\*\*

بالس مان کيت بوليہ تاهو کات توهن بري جاديکن دنيا؟  
توهن سنديري بري تاهو کوء جالن کتاب سوچي

\*\*\*\*\*

1. بچاله تورات، سورت کجادين ۲ هق اصل باب 1، ايات 1-2.

1 - 2 مولا ۲ سکالي توهن بري جاديکن لاغيث دغن  
بومي. ۲ فس بومي ايت دوق کوسوغ تاءاد روف،  
اير دالم سرات ۲، کلف هاييس. فس روح توهن دوق  
جاک اتس سموا اير ايت.

\*\*\*\*\*

ليم فرکارا لاکي چارا حال توهن

\*\*\*\*\*

2. فريقساله کجادين 1:1-2 داتس ايت، دان فيکير سنديري،  
سبب نق تان سيکيت. فرهاتيله ليم فرکارا چارا حال  
توهن هق اد نمبور هالوس<sup>1</sup> - ۵<sup>5</sup> دجوافن دباوه اين.

1. مولا ۲ سکالي، بلوم فد دنيا جادي، توهن اد ده کا دق  
لاکي؟

\* جوافن: تنتوله توهن اد ده! <sup>1</sup> توهن تاءاد اوال، تاءاد  
اخير. دالم انجيل، سورت 1 تیموتيوس 16:3 اد رويت  
کات: توهن سجاله هق ککل. اد ايات سا لاکي دالم کتاب  
زبور 2:90 بري تاهو کات:

2 بلوم فد توهن بري بوکيت ۲ تيمبول ماري  
اتوا بومي اين اد روف لاکي،  
يا توهن، مو دوق اد جق دماس اوال  
هيڭک سمفي سلام ۲.

2. مولا ۲ سکالي، بيلا توهن بري جاديکن لاغيت دان بومي،  
دموک بومي ايت اد اير دالم، سروف لاوت سرات ۲.  
سياف دي هق دوق جاځک اتس اير ايت؟ (کجادين 2-1:1،  
موک 9)

\* جوافن: توهنله هق دوق جاځک اتس سمو ايت. دالم  
تورات، سورت کجادين 2:1 ايت، بري تاهو کات، «روح  
توهن دوق جاځک اتس سمو اير ايت». جاځن شک هاتي  
اتس فرکتان «روح توهن». <sup>2</sup> روح توهن معنائ توهن  
سنديري.

3. کيت نمفق بالس مان؟ توهن دوق جاځک اتس سمو اير ايت  
ساج که، دان فد ماس ايت ساج که؟ (کجادين 2-1:1، موک 9)  
\* جوافن: تيدق! <sup>3</sup> دمان ۲ فون، توهن دوق اد دسيتو،  
دان <sup>4</sup> توهن دوق جاځک دوق مريته اتس سمو فرکارا  
سعمور ۲. نبي داود رويت دالم زبور 139:7-10، کات:

7 يا توهن، اکو نق کي کمان نق بري لفس فد مو؟  
اتوا نق لاري کا مان تاسير بري دوق دافن مو؟

- 8 کالو اکو بولیه نائیک کا لاغیت فون،  
 مو دوق اد دسیتو،  
 کالو اکو دوق تیدور دتمفت اورغ ماتې فون،  
 یا توهن، مو دوق اد جوک دتمفت ایت.
- 9 فس میسل کات اکو بولیه تربغ کي  
 بالیق سان متھاري نائیک، اتوا جمرغ لاءوت  
 کي بالیق سان متھاري جاتوه فون،
- 10 تاغن مو نق فیمفین اکو کي کو ایت،  
 فس کواس مو نق جاک اکو دتمفت ایت جوک.

4. توهن دوق جاک اتس سموا سعمور ۲. دي دوق جاک اتس  
مائسي کیت جوک که؟ سبب اف؟

\* جوافن : تنتوله توهن دوق جاک اتس مائسي کیت  
سعمور ۲، سبب ۵ توهن اد چادغن هق مولیق انتوق  
مائسي، دان ساییت توله، توهن نق جاک، نق مرینته اتس  
مائسي کیت سهیغک چادغن ایت سمفرن ده داخیره.

3. بچله لیم فرکارا چارا حال توهن ایت دباوه این.

1. توهن تاءاد اوال، تاءاد اخیر.
2. روح توهن معنائ توهن سندیري.
3. دمان ۲ فون، توهن دوق اد دسیتو.
4. توهن دوق جاک، دوق مرینته اتس سموا فرکارا سعمور ۲.
5. توهن اد چادغن مولیق انتوق مائسي کیت.

4. بچالہ سمولا لیم فرکارا چارا حال توھن دموک 11 ایت، بارو بولیہ تمبہ فرکتان ھق کنا دتمفت کوسوڻ دباوہ این.

1. بلوم فد دنيا جادي لاکي توهن اد ده. دي تاء ادرل..،  
تاء اخير، دي ککل.
2. دمان ۲ فون توهن د بولاد د سيمو.
3. توهن دوق جا...کف، دوق مسر... سمور ۲ اتس سمو  
هق دي بري جادي ايت.
4. روح توهن معنا توه... سنديري.
5. توهن اد چا... موليق انتوق ملا... کيت.

\_\_\_\_\_

توہن اد چادغن مولیق انتوق کیت  
سبب تولہ توہن دوق جاگ، دوق مرینتہ اتس کیت سعمور ۲  
نق بری سمفرن چادغن ایت

\_\_\_\_\_

5. بچالہ انجیل، سورت 1 کورینتوس 9:2 دباوہ این.

9 فرڪارا ۲۱ هق مائيسي تائياس تيغوق، تائياس دغر،  
اتوا تائماسوق دالم اوتق دي فون، جادي فرڪارا نيلاه  
هق توهن سوده چادغ تاروه انتوق اورغ هق كاسيه  
طاعة كا دي.

\* فرکارا ۲۱ حق توھن چادڻ تاروھ، ٽاڪيرا ددنيا اتوا فون داخيرة،  
انتوق اورڻ حق کاسيه طاعة کا دي، فرکارا ۲۱ ايت ليه  
سوڻڪوھ ۲۵ فد اف ۲ حق مائسي بياس فيکير!  
6. هافلله ايات ڪتاب داتس سائي.

7. چوب فيکیر دولو. لفس ایت بوبوهله تندا ☒ دکفلا  
ایات ۲ هق کنا دباوه این. کالو تاءکنا، بوبوه تندا ☒.

1. ☒ بلوم فد دنیا اد لاکي، توهن اد ده. دي تاءاد اوال.

2. ☒ توهنله هق بري جاديکن لاغیت دان بومي.

3. ☒ لفس فد ایت، توهن تاءامبیق فدولي کا فرکارا ۲ هق  
دي بري جادي ایت.

4. ☒ روح توهن معناث توهن سنديري.

5. ☒ مولا ۲ سکالي توهن اد چادغن مولیق انتوق مائسي،  
تافي لاني توهن لوف ده چادغن ایت.

6. ☒ توهن دوق جاک کیت سعمور ۲، سبب دي اد چادغن  
مولیق انتوق کیت.

8. فریقسا تاڻ ديري کیت سنديري.

\* دفلاجران این کیت بولیه تاهو کات توهن اد چادغن مولیق  
انتوق کیت. بڭکالي کیت براس ترحیران، سبب توهن امبیق  
فدولي کا اورغ سروف کیت. فس کیت نق دوق سپف ساج  
که، تاءسیر تاهو چادغن هق مولیق ایت؟

\* بڭکالي کیت تاءنمفق لاکي کات توهن امبیق فدولي کا کیت.  
کالو بالس ایت، جاعن فوتوس هارفن! کاجغله چاري جالن  
نق بري بولیه تاهو هق سوغکوه چارا حال توهن.

\*\*\*\*\*

## فرکارا ۲۱ هق بوليه تاهو دفلاجران اين

\*\*\*\*\*

9. چوب رویتله سنديري دولو اف هق بوليه تاهو ده  
دفلاجران اين، باروله بنديغ دغن فرکارا ۲۱ هق رویت  
سچارا ريفکس دباوه اين.

1. توهن بري تاهو چارا حال ديری دي کو جالن کتاب ۲  
سوچی.

2. توهن بري تاهو دالم کتاب کات دیاله هق بري جاديکن دنيا.

3. لیم فرکارا هق بوليه تاهو چارا حال توهن:

1. توهن تاءاد اوال، تاءاد اخير، دي ککل.

2. روح توهن معنات توهن سنديري.

3. دمان ۲ فون، توهن دوق اد دسیتو.

4. توهن دوق جاک، دوق مرینته اتس سموا فرکارا سعمور ۲.

5. توهن اد چادغن مولیق انتوق مائسي کیت.

10. کاجغ بري ایغت فرکارا ۲۱ داتس سائي سهیغک لکت دهاتي.

11. چوب رویتله اف هق توهن برکرق هاتي کیت، سوروه  
بوات، اتوا نق بري ایغت.



### فلاجران 3

## چارا حال توهن بري جاديکن دنيا دغن سموا مخلوقش

دفلاجران 1 کيت بوليه تاهو ده کات، توهن اد. دفلاجران 2 کيت بوليه تاهو ده کات، توهناله هق بري جاديکن دنيا. کوء جالن مان مائسي کيت بوليه تاهو چارا حال توهن؟ سسوځکوهن توهن سنديري بري تاهو چارا حال دييري دي کوء بايق جالن، تافي کيت بوليه تاهو ده دوا جالن، يائيت:

1. کوء جالن سموا فرکارا هق توهن بري جاديکن.

2. کوء جالن کتاب ۲ سوچي هق توهن تورون.

### توجوان فلاجران اين

کيت نق هوبوځ مڃاجي چارا حال توهن بري جاديکن دنيا سکالي دغن سموا مخلوق ۲. کيت نق بوليه فرهاتي کات:

1. توهن بري جاديکن دنيا دالم ماس انم هاري.

2. توهن بري جاديکن دنيا دغن فرکتان دي.

3. سموا هق توهن بري جاديکن ايت موليق بلاک.

4. سوځ فاتوت مائسي کيت سمبه دان فوجي کا توهن.

\*\*\*\*\*

توهن بري جاديکن دنيا سکالي دغن مخلوق ۲ دي سيف ده  
دالم ماس انم هاري.

فد هاري يځ کتوجوه توهن برهنتي درفد کرج ايت

\*\*\*\*\*

1. بچاله تورات، سورت کجاديکن، باب 1:3 - باب 2:4 هق  
رويت سچارا ريځکس دباوه اين.

باب 1:3-5 فد هاري يځ فرتام توهن کات: جاديله  
چهيا هق چره! چهيا فون تيمبول سلالو. دان توهن  
نمفق کات چهيا ايت موليق ده. دي فون بهاکي هق  
چره دغن هق کلف. ماس چره توهن فځکيل سياځ  
هاري، ماس کلف فول دي فځکيل مالم. فرياغ مالم،  
فرياغ فاکي فول، جادي هاري يځ فرتام.

6 - 8 فد هاري يځ کدوا توهن کات فول: جاديله ساتو  
سکاتن، نق بهاکي اير بري دوق ددوا تمفت! دان  
جاديله بالس ايت. سکاتن ايت (معناڻ اودارا  
دلاغيت) دوق دتغه، دانتارا اير باوه، (سروف اير  
لاؤت) دغن اير باليق اتس، (سروف اير دالم اون هق  
نق توروون جادي هوچن). فرياغ مالم، فرياغ فاکي  
فول، جادي هاري يځ کدوا.

9 - 13 فد هاري يځ کتيک توهن کات لاکي: اير هق  
دوق سبله باوه، دودوقله ستمفت! تيمبولله تانه هق

کریغ! دان جاديله بالس ایت. تانه کریغ ایت توهن  
 فغکیل دارت. ایر هق دوق ستمفت ایت توهن  
 فغکیل لاءوت. توهن فون نمفق کات سمو ایت  
 مولیق ده. لفس فد ایت توهن کات فول: بری  
 تیمبولله اتس بومی سموا تومبوه ۲هن، ایکوت بغسا  
 دی. دان تیمبول سلالو سفرت رمفوت، سایور ۲ران  
 دغن فوهون کایو. توهن فون نمفق کات سموا تو  
 مولیق ده. فریاغ مال، فریاغ فاکي فول، جادی  
 هاری یغ کتیک.

19-14 فد هاری یغ کائمفت توهن کات: جاديله سموا  
 ایبو چهیا دلاغیت، نق بهاکی سیاغ هاری دغن مال.  
 بالس توله توهن بری جادی ایبو چهیا دوا بوتیر هق  
 بسر، یائیت متهار ی دغن بولن. هق بسر سکالی  
 ایت، توهن بری دوق مرینته سیاغ هاری. هق کدوا  
 ایت، یائیت بولن، توهن بری مرینته سبله مال.  
 بینتغ ۲ فون توهن بری جادی جوکد. توهن لتق  
 ایبو ۲ چهیا ایت دلاغیت نق بری چره کا بومی. دی  
 فون نمفق کات سموا ایت مولیق ده. فریاغ مال،  
 فریاغ فاکي فول، جادی هاری یغ کائمفت.

23-20 فد هاری یغ کلیم توهن بری جادیکن سموا  
 ایکن دغن بوروغ ۲ کنف ۲ بغسا. سموا ایت فون  
 توهن بری جادی دغن فرکتان دی. توهن نمفق کات

سموا فرکارا ایت مولیق ده، دان اوچف سلامت اتس دي. فریاغ مالْم، فریاغ فاكي فول، جادي هاري یغ کلیم.

31-24 فد هاري یغ کائْم توهن کات: تیمبولله اتس بومي سموا بناتغ ۲ هق دوق ددارت، بسر اتوا کچیک فون، ایکوت بفسا ۲ دي. دان جاديله بالْس ایت. هق سود سکالي، توهن بري جاديکن مائسي. بالْس توله سموا مخلوق هق توهن بري جاديکن ایت سوده سيف بلاک ده. لفس ایت، توهن فرهاتي سموا هق دي بري جادي ایت. دي فون برکنن سوغکوه، نمفک کات مولیق بلاک ده دان اوچف سلامت اتس دي. فریاغ مالْم، فریاغ فاكي فول، جادي هاري یغ کائْم.

باب 4-1:2 فد هاري یغ کتوجوه توهن برهنتي درفد کرج ایت. توهن فون کات: سلامت سجهتراله اتس هاري یغ کتوجوه. اکو لتق هاري یغ کتوجوه بري سوچي انتوق اکو.

• کیت جاغن شک هاتي اتس فرکتائُن «هاري» دایات ۲ ایت. تاءاد سیاف بولیه رویت دغن تنتو کات، فرکتائُن «هاري» دکتاب هق اصل ایت تنجوق کا ماس لام مان.

چارا حال توهن بري جاديکن مائسي ایت اد هوبوغ لاکي  
دفلاجران دافن.

2. بچاله سمولا ايات ۲ کتاب داتس ایت، دموک 16-18، لفس ایت بوبوه تندا ☒ دکفلا ايات ۲ هق کنا دباوه این. کالو تا کنا بوبوه تندا ☐ .

1. ☐ فد هاري یغ فرتام توهن بري جاديکن ايکن دغن بوروغ. (کجادين 1:3-5، موک 16)

2. ☒ فد هاري یغ کدوا توهن بري جادي سکاکن دتغه اون دغن اير لاءوت. (کجادين 1:6-8، موک 16)

3. ☒ فد هاري یغ کتيک توهن بري جادي لاءوت، دارت، دغن سموا تومبوه ۲هن. (کجادين 1:9-13، موک 16، 17)

4. ☒ فد هاري یغ کائفت توهن بري جاديکن متهاري، بولن، دغن بينتغ ۲. (کجادين 1:14-19، موک 17)

5. ☐ فد هاري یغ کلیم توهن بري جادي چهيا هق چره. (کجادين 1:20-23، موک 17، 18)

6. ☒ فد هاري یغ انم توهن بري جاديکن بناتغ ۲ سکالي دغن مائسي. (کجادين 1:24-31، موک 18)

7. ☒ فد هاري یغ کتوجوه توهن برهنتي درفد کرج ایت. (کجادين 2:1-4، موک 18)

\*\*\*\*\*

بالس مان توهن بري جاديکن دنيا؟  
توهن بري جاديکن دنيا دغن فرکتان دي

\*\*\*\*\*

3. بچاله سمولا ايات ۲ کتاب دموک 16-17، باروله بوليه تمبه فرکتان هق کنا دتمفت کوسوغ دباوه این.

1. فد هاري یغ فرتام توهن کات: جاديله چهيا.... هق چره...! فون تیمبول سلالو. (کجادين 1:3-5، موک 16)

چارا حال توهن بري جاديکن دنيا دغن سموا مخلوقن

2. فد هاري يځ کدوا توهن کات: جاديله ساتو سکا... سکا...!  
دان جاديله بالس ايت. (کجادين 1:6-8، موک 16)

3. فد هاري يځ کتيک توهن کات: اير هق دوق سبله باوه،  
د... ډله ستمفت! تمبه... لله تانه هق کريځ! دان جاديله  
بالس ايت. (کجادين 1:9-13، موک 16، 17)

4. فرهاتيله تيک ايات داتس سائي. نق تاښ سيکيت:  
\* بالس مان توهن بري جاديکن دنيا دغن سموا مخلوق ۲؟  
\* جوافن: توهن کات ساج، دان فرکارا ۲ ايت جادي سلاو.  
ايځتله! سموا هق توهن بري جادي ايت، جادي دغن  
فرکتان دي.

\*\*\*\*\*

سموا فرکارا هق توهن بري جاديکن ايت  
مولا ۲ سکالي موليق بلاک.  
توهن فون برکنن دان اوچف سلامت اتس سموا فرکارا ايت  
\*\*\*\*\*

5. تمبه فرکتان هق کنا دتمفت کوسوځ دباوه اين.  
1. توهن نمفق کات چها چره هق دي بري جادي ايت  
مو... ليک. ده. (کجادين 1:3-5، موک 16)  
2. توهن نمفق کات سموا تومبوه ۲ هن هق دي بري جادي ايت  
مو... ليک. ده. (کجادين 1:9-13، موک 16، 17)  
3. توهن نمفق کات متهاري، بولن دغن بينتځ هق دي بري  
جادي ايت مو... ليک. ده. (کجادين 1:14-19، موک 17)

4. بېلا توهن فرهاتي تېغوق سموا مخلوق هق دي بري جادي ايت، دي فون نمفق کات مو... بېلاک ده. توهن فون ۱۰۰... سلا... اتس دي. (کجادين 1: 24-31، موک 18)

\* چرف ده، مولا ۲ سکالي سموا فرکارا هق توهن بري جادي ايت مولى بلاك ده. سبب اف تاجادي مولى سروف ايت لاني؟ اد جوافن دفلاجران دافن.

\*\*\*\*\*

سوغ فاتوتله مائسي سمبه دان فوجي کا توهن یغ اسا  
سبب دیاله هق بري جاديکن سموا هق مان اد

\*\*\*\*\*

6. هافله انجيل، سورت «فرکارا ۲ هق توهن بري پات»  
باب 11:4 دباوه اين.

11 يا ربّي، يا توهن هق فواق اکو دوق سمبه!  
سموا هق مان اد، ربّي بري جادي.  
ايکوت کهندق ربّيله سموا ايت دوق هيدوف بلاك.  
سوغ فاتوتله کيت هق جادي مخلوق فون  
فاکت فوجي، حرمة دغن مفاکو کواس ربّي! امين.

7. چاريله فلواغ کنف ۲ هاري انتوق نق سمبه دان فوجي کا  
توهن رامی ۲ اتوا سئورغ ديري فون بوليه. بوليه فاکی  
ايات داتس سائي جادي چوتتوه سمبه دان فوجي کا توهن.

\*\*\*\*\*

## فرکارا ۲۱ حق بوليه تاهو دفلاجران اين

\*\*\*\*\*

8. چوب رویتله سندیري دولو اف حق بوليه تاهو ده  
 دفلاجران اين، باروله بنديغ دغن فرکارا ۲۱ حق رویت  
 سچارا ريفکس دباوه اين.

1. توهن بري جاديکن دنيا دغن فرکتان دي.

2. توهن بري جاديکن دنيا سکالي دغن مخلوق ۲ دي دالم ماس  
 انم هاري. هاري يغ کتوجوه توهن برهنتي درفد کرج ایت.

3. سموا فرکارا حق توهن بري جاديکن ایت، مولا ۲ سکالي،  
 مولیق بلاک.

4. سوغ فاتوت مائسي سمبه دان فوجي کا توهن يغ اسا،  
 سبب توهنله حق بري جاديکن سموا حق مان اد.

9. کاچغ بري ايغت فرکارا ۲۱ داتس سائي سهيغک لکت دهاتي.

10. چوب رویتله اف حق توهن برکرق هاتي کیت، سوروه  
 بوات، اتوا نق بري ايغت.